

ՎԻՆԻՆԻ ԿԵՐՊԱՐԸ ԵՂԻՇԵ ՉԱՐԵՆՑԻ ՍՏԵՂԱԿՈՐԾՈՒԹՅՈՒՆՆԵՐՈՒՄ

ԱՐԱ ԳԵՎՈՐԳՅԱՆ

Հայ բանաստեղծական լենինիստական սկսվում է Հակոբ Հակոբյանի և Վահան Տերյանի լիրիկական հայտնություններից: Լինելով իրենց ժամանակի առաջավոր հասարակական գործիչներ՝ այդ պոետները գտնում էին, որ լենինյան ուղին ամենաճիշտ և ամենահեռանկարային ուղին է Հայաստանի բախտի համար: Պետք էր ամբողջ խորությամբ և բազմակողմանիությամբ լուծել աշուպիսի մի խնդիր, որպիսին մեծ Լենինի կերպարի գեղարվեստորեն վերարտադրումն էր: Այդ խնդիրը իրագործեց Եղիշե Չարենցը, մի պոետ, որը հստակորեն գիտակցել է «ժամանակի գարկերակը», և որին կյանքի էր կոչել լենինյան դարը:

Լենինյան բնավորության բացահայտմանը և Իլյիչի կյանքից վերցված իրադարձությունների գեղարվեստական մշակմանը Ե. Չարենցը նվիրեց իր ստեղծագործական կյանքի նշանակալից մասը և կարողացավ ստեղծել մի այնպիսի հարադատ և պայծառ կերպար, որի շնորհիվ Լենինի մասին նրա գրած գրեթե բոլոր գործերը մտան սովետական լենինապատումի ոսկե ֆոնդը:

Ի՞նչ Հակոբ Հակոբյանի պոեզիայում լենինյան թեմայի զգացմունքային-ոգմանտիկական լուծումը հանգեցնում էր Վլադիմիր Իլյիչի կերպարի լիրիկական-սիմվոլիկ մշակմանը, որը հիմնականում հատուկ էր հեղափոխության առաջնորդի կերպարի բանաստեղծական իմաստավորման առաջին փուլին, այսինքն Ե. Չարենցի մոտ առաջին պլան է քաշվում սովետական պետության ստեղծողի կերպարի էպիկական վերստեղծման և պատմական կոնկրետ փաստերին ու ռեալիտետներին մոտենալու վճռական փորձը: Լ. Պոլոնսկին նկատում է. «Այն արվեստագետը, որը մտահղացել է Լենինի կերպարը մարմնավորել պոեմում կամ վեպում, օրատորիայում կամ պատկերանկարում, ներկայացման կամ ֆիլմի մեջ, ստանձնում է վիթխարի պատասխանատվություն ոչ միայն ժամանակակիցների, այլև պատմության առաջ. զայիք սերունդները մեր օրերի գրականության և արվեստի մասին դատելու են ըստ այն բանի, թե ինչպես են կարողացել նրանք սերունդներին հասցնել բոլոր դարերի և ժողովուրդների մեծագույն հանձարի կերպարը»¹:

Հենց այդպիսի պատասխանատվություն իր վրա վերցրեց հեղափոխության բանաստեղծ Ե. Չարենցը:

Բանաստեղծի հասունացումը տեղի էր ունեցել հեղափոխական իրադարձությունների հորձանուտում: Հոկտեմբերյան հեղափոխությունը օրրան հանդիսացավ ականավոր շատ գրողների համար. հեղափոխությունը ոչ միայն արթնացրել էր նրանց գիտակցականությունը, այլև դարձրել շատ գրողների համար դարձել էր ստեղծագործական հեռանկար:

¹ Л. В. По л о н с к и й, Образ В. И. Ленина в советской художественной литературе, Тюмень, 1969, с. 7.

XX դ. պոեզիայի մեջ Ե. Չարենցի զրադեցրած տեղի մասին լավ է գրել ֆրանսիացի բանաստեղծ Լուի Արաղոնը. «Մեր դարը իր վրա կրում է մի քանի մեծ բանաստեղծների անունների զրոշմը: Անգլիայում՝ դա Կիպլինգն է, Ֆրանսիայում՝ Լյուդվիգ Բլանկոն, Գերմանիայում՝ Ռիլկեն, Իսպանիայում՝ Գարսիա Լորկան, Ռուսաստանում՝ Մայակովսկին և Սսենինը, Հայաստանում՝ Չարենցը և Իսահակյանը»²:

Լենինի կերպարի վերստեղծման պատմական անհրաժեշտությունը բանաստեղծի մեջ արթնացրեց զգացմունքների և ապրումների մի հզոր գամմա. բանաստեղծ-քաղաքացին այլևս չէր կարող լռել. Իլլիչի մասին նրա խոհերը վերամարմնավորվեցին հրաշալի ստեղծագործությունների և դարձան նրա գրական ժառանգության պսակը: Հեղափոխության թևերի ստեղծագործորեն խորացվել Լենինի կերպարում: «Այսուհետև Լենինյան թեման ամբողջապես դերեց հայ բանաստեղծին, նրա լենինիանան՝ դա բարդ պոլիֆոնիկ ստեղծագործություն է, պատմության, փիլիսոփայության, փաստերի, իրադարձությունների, մտորումների մի համաձուլվածք. դա մարդկության, Եվրոպայի, Ռուսաստանի, Հայաստանի ճակատագրի վերաբերյալ բանաստեղծի մեծ և խոր խորհրդածությունների հանրագումար է»³:

Ե. Չարենցի լենինիանան մեծ կերպարի աստիճանական ըմբռնման մի պրոցես է: Այդ թեմայի վրա կատարած լարված ստեղծագործական աշխատանքի հետևանքով հայ բանաստեղծը կարողացել է ընկալել և պատկերել Լենինի գործունեության այնպիսի կարևոր կողմերը, տալ Լենինի կյանքից վերցված պատմական կոնկրետ փաստերի այնպիսի խորը մեկնաբանություն, որ ճանաչված շատ բանաստեղծների ուժից վեր էր:

Ե. Չարենցը, զգալով ժամանակի ոգուն իր մասնակից լինելը, «Խոհ» բանաստեղծության մեջ (1929 թ.) գրել է.

Ես մարդ եմ, պոետ ու քաղաքացի.
Ապրում եմ ահա Լենինյան դարում...
Եվ այնպես, ինչպես բոլոր դարերում
Կապված է եղել մարդը իր դարին,—
Ես իմ մեջ այսօր տեսներն եմ կրում
Մեր ժամանակի անդ՝ ու պայքարի⁴:

Բանաստեղծ-քաղաքացու համար ոչինչ ավելի սրբազան չէ, քան Լենինի կերպարը: Նա իր դարաշրջանը չի պատկերացնում առանց համաշխարհային պրոլետարիատի առաջնորդի օրգանական ներկայության, առանց նրա անմահ գործերի՝ ներկայում և ապագայում:

Լենինի մասին քսանական թվականներին Ե. Չարենցի գրած բանաստեղծություններին և պոեմներին բնորոշը թեմաների արդիականությունն է, որոնք ամբողջ հասակով հառնել էին սովետական դրականության առջև: Դարաշրջանի ռոմանտիկական տրամադրությունը բանաստեղծներին նույնպես ստիպում

² Գ. Հովսեփյան, Եղիշ Չարենց, ստեղծագործությունների միջազգային արձագանքները, Երևան, 1978, էջ 27:

³ А. С а л а х я н. Э. Т о п ч я н, Поэзия Егнше Чаренца (в кн. «Егнше Чаренца», Л., 1973, с. 29).

⁴ Եղիշ Չարենց, Երկերի ժողովածու, վեց հատորով, Երևան, 1962—1968, հ. 4, էջ 38: Այսուհետև հատորը և էջը նշվելու են մեջբերումներին կից:

էր կատարել էքսկուրսիներ դեպի գալիքի խորքերը, և «ժամանակի մեքենայով» կատարված այդ ճանապարհորդությունները բացահայտում էին «կոմունիստական վաղվա» պլանների և մասշտաբների վիթխարիությունը: «Ես և Իլյիչը» (1923 թ.) բանաստեղծության մեջ, որն ունի «Մի էպիգրոդ իմ ճանապարհորդությունից» կատարված Ուելսի ժամանակի մեքենայով դեպի 2500 թ.» ենթավերնագիրը, Ծ. Չարենցի անսաստ միտքը նկարագրում է մարդկության ապագան հինգ-վեց դար հետո: Մոռացված են հեղափոխության դարաշրջանի բոլոր ականավոր գործիչները, ոչ ոք չգիտի բանաստեղծ Ծ. Չարենցին, որն ապրել և ստեղծագործել է XX դ. սկզբին, շփման ոչ մի ելույթ չկա գալիքի մարդկանց հետ: Ի այց, հանկարծ, բանաստեղծը հանդիպում է նրան, ով դեռես կենդանի ժամանակ անմահ էր, միայն նա է մնացել դարերում: Բանաստեղծը հանդիպում է Վլադիմիր Իլյիչի կիսանդրուն.

Ակնթարթը—
Ի՞նչ էր...
Հասկանո՞ւմ եք՝ էդքա՛ն տարի հետո
Աշխարհում, որ փոխվել է—
Հանդիպում ենք— և... Իլյիչը...
Նա ինձ նայում է ժպիտով.
Ինձ ճանաչում է նա տարիների տակից...
— Է՛յ, ժամանակ,
Դո՛ւ դեթ,
Խինդս դո՛ւ ընդունիր դարերից,
Ճիշտ,
Խնդությունս ուկետ... (հ. 3, էջ 168):

Իլյիչի մահվան անմիջական արձագանքը եղավ «Լենին» բանաստեղծությունը (1924 թ.): Այստեղ բանաստեղծը փորձում է պարզել մարդկության պատմության մեջ Լենինի տեղն ու նշանակությունը. կորստյան ցավը պահանջում է գիտակցել կորստի արժեքը:

Լենինը համաշխարհային պատմության բալադայազույն նվաճումն է, ամբողջ պատմական զարգացման պսակը: Լենինի կերպարին այդպես համապարփակ կարող էր մոտենալ միայն իր դարաշրջանի մեծ բանաստեղծը, Լենինի անմահությունը այդպես կարող էր գիտակցել միայն նա, ով ինքը ուներ բարձր գիտակցականություն, նա, ով ինքը «իր դարի խիղճն էր»: Մեծը մոտիկից տեսնել կարող են միայն մեծ մարդիկ: Այդպիսին էր Ծ. Չարենցը: Ահա՛ թե ինչպես է բանաստեղծը մեզ մոտեցնում ընկալելու առաջնորդի կերպարը.

Գիտե՞ք թե աշխարհի արգանդից
Ինչքա՛ն հանճարեղ մարդիկ,
Ինչքա՛ն, ինչքա՛ն կրոմվել,
Կամ հնդիկ Գանգի—
Անթիվ
Եղել են,
Վան դեռ,
Ու կգան.—

Այնինչ Իլյիշը—մեկ է,
 Ուրիշ Իլյիշ—դժվար թէ,
 Ուրիշ Իլյիշ—չկա (հ. 3, էջ 149),

Լենինի մահվամբ առաջացած մեծ վիշտը պահանջել է առաջնորդի կերպարի մոնումենտալացում, նրա զաղափարների անմահության մարգարեական կանխատեսում: Միլիոնների վիշտը ցույց տվեց հեղափոխության և նրա առաջնորդի մեծությունը. համաժողովրդական վշտի մեջ տեղի էր ունենում մարդկային հոգիների իսկապես ողբերգական վսևացում և վերացում առօրեականությունից՝ յուրաքանչյուր մարդ կրկին դիտակցեց և իր մեջ ընկալեց պատմությունը, դգաց Լենինի կուսակցության հետ միավորվելու անձնական պատասխանատվության չափը⁵: Վ. Մայակովսկին ու Ե. Չարենցը, ասեն Նեոք-ձեոքի տված, ստեղծում էին Լենինի կերպարը և մեկը մյուսից անկախ զալիս էին այն եղրակացության, թե Լենինը մարդկային պատմության օբյեկտիվ զարգացման հանրագումարն է, աշխատավորների հաղարավոր սերունդների տառապանքների հանրագումարը:

«Կոմունարների պատը Փարիզում» պոեմում Ե. Չարենցը նոր տողեր է դնում մեծ հանճարի հիշատակի հավերժացման համար.

Լենինը—
 Դե որպես երկրագունդը,
 Այսինքն՝ աշխարհը,
 Որ հավաքել է կյանքը իր ջղերում:

Լենինը

Հավաքել էր իր մեջ—
 Հիսուն հազար սերունդ:
 Բանվորական, իհարկե,
 Բանվորական սերունդ:

Հարկավոր էր ամբողջ մի դասի
 Ինչքան քրտինք ու ջանք,
 Որ ծնվեր հանճար մի այնպիսի,
 Ինչպիսին էր ինքը... (հ. 2, էջ 245—246):

Լենինյան թեման պահանջում էր նաև առաջնորդի կերպարի կոնկրետացում, որը դրսևորվեց «Բալլադ Վլադիմիր Իլյիչի, մուժիկի և մի զույգ կոշիկի մասին» (1924 թ.) պոեմում: Լենինի կերպարի մարմնավորման պարզությունը անընդհատ վերափոխվում է համապարփակ բնավորության ընդհանրացումների.

Հեռախոսով հուզումը հոսում է
 Կոնմլ,
 Կոմուտատոր N,
 Դեպի կաբինետը Իլյիչի:
 Լուրերը թափվում են շտապով,

⁵ Л. Акопян, Образ Ленина в многонациональной советской поэзии, Ереван, 1974, с. 10—11.

Հասնում են հենց իրեն,
Ու հոսում են հետո
Տապով
Իր ուղեղի միջից (հ. 2, էջ 192)։

Կոմունիստական կուսակցության հիմնադրի կերպարին այդպես բնական, պարզ, բայց և միաժամանակ այդպես վեհասքանչ կարող էր մոտենալ այն մարդը, ով խորապես դիտակցել է կորստի մեծությունը։ Լենինի մահը ողբերգական իրադարձություն էր ոչ միայն սովետական մարդկանց կյանքում, այլև թուրք թիավար Ալիի կյանքում։ «Լենինն ու Ալին» պոեմում Ե. Չարենցը ասես շարունակում է այն ավանդույթները, որոնց հիմքը դրվել էր տակավին 20-ական թվականներին՝ Նիկոլայ Տիխոնովի «Սամի» պոեմով։ Ինչպես հեղիկ երեխան, այնպես էլ թուրք թիավարը բնակչության ամենախուլ խավերի ներկայացուցիչներն են, բայց այդ պոեմներում կարևորը Լենինի՝ մարդ-մարդարեի, միջազգային նշանակության բացահայտումն է, մարդ, որն աշխարհին բերել է հումանիզմ և սեր՝ նվաստացյալներին ու անարգյալներին։

Պոեմը գրելուց մի քանի տարի հետո, երիտասարդ գրողների հետ կիսվելով իր պոեմի ստեղծագործական պատմության շուրջը, Ն. Տիխոնովը գրել է. «Արևելքում Լենինի մասին լեգենդներ են ստեղծվում։ Լենինի գիմանկարը կարելի է գտնել, օրինակ, հովիվների մոտ՝ քարանձավներում, որևէ մի տեղ Ասիայի լեռներում։ Լեռներում լեռնանցքների ամենաբարձր կետերում ստեղծում են քարերի բլրակներ. փոթորկի ժամանակ այդ բլրակների միջոցով ուղեվորները գտնում են ճանապարհը։ Քարերի այդպիսի բլրակներ են կիտվում նաև Լենինի գիմանկարի առաջ»⁶։

Ինչպես Ն. Տիխոնովը, Ե. Չարենցը ևս իր պոեմի համար օգտագործել է կյանքի կենդանի փաստերը։ Ահա թե ինչ է ասել հեղինակը այն արժանահավատ իրադարձությունների մասին, որոնք առիթ են ծառայել գրելու այդ գործը. «Ք. Պոեմի նյութը վերցված է իրականությունից։ Տրապիզոնի մեր համալիրենական հյուպատոսն ինձ պատմեց, որ Լենինի մահվան լուրը Տրապիզոն հասնելու օրը, կես չիշերին իր մոտ է գալիս Ալի անունով մի թուրք նավաստի, իր վիշտն ու հարգանքը հայտնելու։ Կարծում եմ դեպքն արժանի է ավելի լավ պոեմի, քան սա»⁷։

Սամիի և Ալիի պատկերացումները Լենինի մասին պարզունակ են, բայց ղլխավորն այն է, որ նրանց համար Իլլիը, ինչպես նաև այն քաղաքը, որտեղ նա ապրում է, ուսուցանող սկզբունք է, օգնում է պայքարելու սահիբների, տերերի, բռնության դեմ և հավատ է ներշնչում մարդու հանդեպ։ Սամին Լենինին պատկերացնում է այսպես.

— Չլուների ետև, սանդուխթի նման՝
Որով կարծես թե մարդ երկինք կելնի,
Ապրում է նա մեծ քաղաքում հիմա
Եվ մարդիկ նրան կանչում են Լենինի,
Նա հաց է տալիս մարդկանց սովատանջ,
Նա նույնիսկ զայլին մարդ է դարձնում.

⁶ «Литературная учеба», 1931. № 5, с. 104

⁷ Ե ղ ի չ է Չ ա ր և ց, Երկերի ժողովածու, հ. 2, Երևան, 1963, էջ 350։

նա մեծ սահիր է ևրկնքի տառա,
 ևրբեք մտրակով նա մարդ չի ձեռնում⁸։

Ե. Չարենցի մոտ թիավար Ալին նույնպես անմիջականորեն, մեծ ոգևորությամբ նկարագրում է առաջնորդի և այն բաղաբի պատկերը, որտեղ նա տպրում է.

Աշխարհի կենտրոնը—Մոսկովն է,
 Մոսկովը Մեկկայից էլ հի՛ն է,
 Մոսկովից մեծ բաղաբ—չի՛ք,
 — Քանի որ Մոսկովի միջին
 Ապրում է ինքը—լենինը (հ. 2, էջ 206)։

Գրականադետ Վ. Պիսկունովը նկատում է. «Ն. Տիխոնովը և Ե. Չարենցը լենինի դիմանկարի առաջ դրել են իրենց պոեմները, որոնց հերոսները ներքսապես շտկվում են և ճշմարիտ ուղի են գտնում Վլադիմիր Իլյիչի շնորհիվ... Նրանց ստեղծագործությունների լիրիկական-ռեալիստական տենդենցները, որոնք հաճախ սկիզբ են առնում բանահյուսական բաղաբահանգումներից, անկեղծությունից, պարզությունից, հակադրվում էին վերացական-ռոմանտիկական սկզբունքներին և ձևերին»⁹։

Ժողովրդի աչքում լենինը «պարզ է ինչպես ճշմարտությունը»։ Բանաստեղծը նրան է ուղղում առաջավոր, առաջադիմական ամեն ինչ, նրա մեջ տեսնելով ազատագրությունը դարավոր ճնշումից և անհավասարությունից։ Ահա թե ինչու «լենին քեռին» (1924 թ.) խորապես էսլիկական պոեմի փոքրիկ տղա Վանյան անվամ հասկանում է, որ լենինը իր դարաշրջանի հրաշքն է և նրա հանդեպ լցվում է նույնպիսի սիրով ու հարգանքով, ինչպես մեծերը։ Ահա այդ սրտահույզ սիրուց տղան սկսում է ևրազել իր ապագայի մասին, ևրազել այն ժամանակի մասին, երբ ինքը նույնպես իր հոր և նրա բնկերների հետ միասին շարքով կանցնի լենինի առջևից.

Եվ որոշեց իվանը, որ անպայման՝ ևրթա—
 Բրա բոլոր մտքերը լենին-քեռուն ասի...
 Երթա ասի, որ ինքը կուզե շփեր դառնալ,
 Կամ օղաչու կարմիր՝ թռչել առաջ...
 Այդ հարադատ, այդ մեծ լենին-քեռու առաջ
 Բրա բոլոր, բոլոր գաղտնիքները բանա... (հ. 2, էջ 205)։

Ե. Չարենցին, ինչպես և պրոլետարական մեծ բանաստեղծ Վ. Մայակովսկուն, օտար է առաջնորդի բաղաբ-մեղքը կերպարի ստեղծումը։ Ե. Չարենցը, որի համար լենինը դարի կենդանի ճշմարտությունն է, նրան պատկերացնում է այնպես, ինչպիսին ինքը կուղևր նրան տեսնել։ Բանաստեղծը կոչ է անում լենինին պատկերել ոչ թե պլակատային, ոչ թե միտինգային, այլ կենդանի ձևով.

... Լենին, այո՛,—լենին—Բայց ո՛չ միտինգային,
 Բայց ոչ թմբուկ թեթև, Բայց ո՛չ պլակատ։

⁸ Նիկոլայ Տիխոնով, Ուսի, Երևան, 1934, էջ 4։

⁹ В. Пискунов, Советская Ленинизма, М., 1970, с. 13.

Նինին — այսօր արդեն ասել է — դադարի,
 Ասել է — ներքին կառուցում թո՛ղ քո թիմայի:
 Այդ թեմա՛ն ուժնանում է այսօր թո՛մ եք,
 Աճում է, բայց ո՛չ այնպես, ինչպես՝ խոտը.
 Եւ աճում է կամքո՛վ, Երկաթով, — նա կյանքի՝
 առավոտ է՝

Մտրի, խորքի, կառուցման անհուն Լինէջ... (Հ. 4, էջ 145 — 146):

Ե. Չարենցի ստեղծագործություններում Լենինի կերպարի համակողմանի պատկերումը պահանջում է առաջնորդի կերպարը բացահայտել նրա գործունեության տարբեր դիրքերից: Բանաստեղծը, վերամարմնավորվելով իր հերոսների մեջ, քննում է հասարակության տարբեր խավերի անհատական վերաբերմունքը Լենինի նկատմամբ: Եթե Ե. Չարենցի առաջին ստեղծագործությունները աֆորիստական են և պատմականորին ճանաչողական, ապա հետագա գործերում կերպարի կոնկրետացումը տարբեր հերոսների անհատական աշխարհայեցողության միջով բերում է Լենինի կերպարի ավելի ունիվերսալական ինքնավերլուծման և ինքնաբացահայտման: Լենինի կերպարում մարդկայինը և պատմականը ձայնակցում են միմյանց, դառնում ներդաշնակ շղթա: Առաջնորդի կերպարը 20-ական թվականներին այդպես էի՞մ բացահայտում վ. Մայակովսկին և Ն. Ասենը:

Պատմական և մարդկայինի դուգորդումը առանձնապես ուժեղ է դրսևավորված Բալլադ Վլադիմիր Իլյիչ Լենինի, մոժիկի և մի դույզ կոշիկի մասին՝ գործում: Այստեղ, մոժիկի պարզունակ անմիջականությունը, ասես, հանդիպելով Լենինի աննկարագրելի զբաղվածությանը, բացում է անողոր ժամանակի վարագույրը՝ տեղի է ունենում քաղաքացիական պատերազմ, Իլյիչի համար թանկ է ամեն մի րոպեն, բայց ինչպե՛ս շօգնել մոժիկին ճարելու մի դույզ կոշիկ: Առաջնորդի ամենօրյա պրակտիկան վերածվում է մարդասիրության պատմական փաստի:

— էխ-է՛խ, մոժիկ...

Քեզ հարկավոր էր — մի դույզ կոշիկ.

Եվ կոշիկի համար

Ընդունեց քեզ Իլյիչը:

— Բայց հասկացա՞ր, մոժիկ.

Որ շուներ Իլյիչը ժամանակ.

Որ Իլյիչի համար —

Մեր ժամանակը բի՛շ էր... (Հ. 2, էջ 197):

Ե. Չարենցի ստեղծագործությունների կոմպոզիցիան, սյուժետային առանձնահատկությունների հետ միասին, կոչված է լուծելու բանաստեղծի հիմնական մտահղացումը՝ բաղմակողմանի և ներդաշնակ ձևով բացահայտել սիրելի առաջնորդի կերպարը: Փոխվում են ոչ միայն ժամանակի հեռանկարները, այլև մարդկային կերպարի դիտակցումը: Այսպես, Բալլադ Վլադիմիր Իլյիչի, մոժիկի և մի դույզ կոշիկի մասին՝ նրկում Լենինի կերպարի մարմնավորման պարզությունը պայմանավորվում է նրա եռուն կենսագործունեության խորը հիմնավորմամբ: Պատմելու արագ տեմպը, դիմանկարի ֆրագմենտայնությունը, իրադարձությունների արագ հերթափոխը, հեռագրային ոճը, իրադարձությունների տարբեր ժամանակային ընդգրկումը՝ ընդհուպ մինչև

կոմունիստական ապագայի կանխատեսումները, աշխարհագրական տարբեր լայնություններում կերպարի բացահայտումը՝ այս բոլորը բանաստեղծին թույլ են տալիս հասնելու համապարփակ բազմակողմանիության:

Ե. Չարենցի ստեղծագործություններում լենինի կերպարի էվոլյուցիան արտացոլում է այն միտումը, որն առկա է բանաստեղծի գործերում՝ սկսած ամենաերկրային մարդու մասին փիլիսոփայական խորհրդածություններ անելուց ընդհուպ մինչև հեղափոխական իրականության առօրյա պայմաններում առաջնորդի կերպարի կոնկրետ բացահայտումը:

Լենինը և նրա ժամանակը, պատմական իրադարձությունները հարաբերակցում, թեմայի համապարփակություն և նրա մարմնավորման պարզություն, ակտիվ կուսակցականություն, հասատեղ վերապրում իր լիրիկական հերոսի հետ — ահա հասարակական այն հիմնականը, որ ներդրել է բանաստեղծը լենինի և Հոկտեմբերյան հեղափոխության մասին գրած իր ստեղծագործություններում, ահա այն գերլարված աշխատանքը, որը հաճախում է բանաստեղծ Ս. Չարենցի ստեղծագործության պսակը և, որի մասին ուկրաինացի մեծանուն բանաստեղծ Միկոլա Բաժանը գրել է. «Առաջնորդին նվիրված Չարենցի բանաստեղծությունները լավագույններից են համաշխարհային բանաստեղծական լենինապատումի մեջ»¹⁰:

ОБРАЗ ЛЕНИНА В ПРОИЗВЕДЕНИЯХ ЕГИШЕ ЧАРЕНЦА

ԱՐԱ ԴԵՎՈՐԿՅԱՆ

Резюме

Лениниана Чаренца — это процесс постепенного постижения великого образа. Так глобально к образу Ленина мог подойти только великий поэт, который сам был «совестью своего века».

Глубокая скорбь, рожденная смертью Ленина, требовала монументализации образа вождя. Эту задачу в армянской поэзии выполнил Егише Чаренц. В его произведениях в образе вождя перекликаются историческое и человеческое, а конкретизация образа Ленина делает Лениниану Чаренца высшим достижением поэтической мысли.

¹⁰ «Գրական թերթ», 2. 11, 1978.